



31 DESEMBER 2021

EREDIENSTE TYDENS SKOOLVAKANSIE

Die eredienste kan in die kerk bygewoon word en die direkte uitsendings is ook aanlyn beskikbaar. Geen vooraf besprekings is nodig nie.

Vrydag 31 Desember 2021

Oujaarsdiens om 19:00 in die kerk en aanlyn | Ds. Potgieter

Sondag 2 Januarie 2022

Oggenddiens om 09:00 in die kerk en aanlyn | Ds. Ackerman (2)

Sondag 9 Januarie 2022

Oggenddiens 09:00 in die kerk en aanlyn | Ds. Ackerman (3)

HARTLIK WELKOM AAN DIE VISSERS

Ons verwelkom graag die gemeente se nuwe leraar, ds. Johan Visser, sy vrou, Nicola en drie kinders James, Olivia en Ava-Jane in Stellenberg-gemeente. Die Vissers wat vanaf die Vrystaat verhuis het, het reeds in die pastorie in Ameliastraat ingetrek. Johan sal vanaf 1 Februarie 2022 in die gemeente werksaam wees.

DOOP VANDAG

Willem en Annelie Basson laat doop vir Amelia Joan Basson.

NUWE LIDMATE

Hartlik welkom in Stellenberg-gemeente. Stuur asb. jou besonderhede aan odette@stellenberg.co.za of voltooi die nuwe-intrekkervorm op die webwerf sodat ons jou kan kontak. Ons sal jou graag persoonlik wil verwelkom.

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.

AFSKEIDSPREEK DS. CALLIE VISAGIE

Ds. Callie Visagie tree einde Januarie 2022 af. Sy afskeidspreek is op Sondag 30 Januarie om 09:00 in die kerk. Die familie- en meditatiewe dienste skakel ook by dié spesiale erediens in. Na afloop van die erediens sal tee, koffie en verversings op die terrein bedien word.

BEVESTIGING VAN DS. JOHAN VISSER

Ds. Johan Visser is in 2021, in ds. Callie Visagie se plek, na die gemeente beroep. Hy word op Sondag 6 Februarie om 09:00 tydens die oggenddiens in die gemeente bevestig. Die familie- en meditatiewe dienste sal ook by sy bevestigingsdiens inskakel. Daar is dus geen familie- of meditatiewe diens op 6 Februarie 2022 nie.

LEES DIE BULLETIN OP JOU SELFOON

Lees die bulletin op jou selfoon en kyk na die aanlyn oggenddiens op jou selfoon deur 'n WhatsApp of 'n Telegramboodskap met jou naam+van+bulletin na 081 045 2428 te stuur.

'N GEDAGTE VIR ELKE DAG

Daar is gedurende die hele feesgety en die skoolvakansie, daaglik 'n geestelike dagstuk, saamgestel deur ons leraarspan, op aanlyn platforms beskikbaar. Lees die dagstuk of luister na die stemboodskap op die gemeente se webwerf, YouTube-kanaal of Facebookblad. Indien jy na die stemboodskap op jou selfoon wil luister, WhatsApp jou naam + stemboodskap na 081 045 2428. Jy sal dan die stemboodskap soggens op jou selfoon ontvang.

LEERAARS AAN DIENS

31 Desember - René Potgieter

1 tot 11 Januarie 2022 – Hanno Ackerman

12 tot 14 Januarie 2022 – Philipp Dietmann

15 tot 18 Januarie 2022 – Marius Breytenbach

STELLENBERG TERAPIESENTRUM

Die sentrum bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafripter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

Na-ure skakel

083 519 0602.

VERANDERING IN EREDIENSTYDE 2022

Neem asseblief kennis van die verandering in eredienstyd in 2022.

2 tot 16 Januarie 2022 (elke Sondag tydens skoolvakansies)

- Oggenddiens om 09:00 in die kerk

Vanaf 23 Januarie 2022 (elke Sondag tydens skoolkwartale)

- Oggenddiens om 09:00 in die kerk en aanlyn
- Meditatiewe diens om 09:00 in die kapel en aanlyn
- Familiediens om 09:00 in die kleinsaal en aanlyn
- Relevantdiens om 18:00 in die kerk en aanlyn

KATEGESE-REGISTRASIE 2022

Registreer asseblief jou kinders aanlyn vir 2022-kategese. Volg die skakels op die www.stellenberg.co.za en voltooi die vorm wat op jou gesin van toepassing is. Dit is 'n vinnige proses. Ons doen 'n beroep op ouers om asseblief alle kinders vir kategese te registreer, al was hulle voorheen by die kategese ingeskakel. Ons wil graag weet vir hoeveel kinders ons jaarliks voorsiening moet maak.

OMGEEKOMBUIS


Ons benodig helpers wat bereid is om vanaf Januarie 2022 een keer per maand op 'n Donderdagoggend (08:00 tot 12:00) behulpsaam te wees met die voorbereiding van etes vir minderbevoorregte persone. Die etes word in die saal se kombuis voorberei. Kontak asb. vir Lindy by lindy@stellenberg.co.za/021 976 4519 indien jy kan help.

**HULP@STELLENBERG.
CO.ZA**

Die leraarspan is diep onder die indruk van die fisiese en psigiese nood wat gesinne en individue te midde van die pandemie beleef en wil graag waar moontlik die nodige ondersteuning aanbied. Indien jy nood van enige aard ervaar, stuur asb. 'n e-pos aan hulp@stellenberg.co.za. Boodskappe word met groot diskresie deur slegs twee leraars hanteer.

TIENDEMAANDINSAMELING 2021

Die gebruikelike tiendemaandinsameling begin in November. Bydraes vir die insameling kan tot einde Februarie 2022 gemaak word. In die gees van DANKBAARHEID gee ons soos in die Ou Testamentiese tye 'n tiende terug aan die Here, omdat alles wat ons ontvang, as 'n gawe uit sy hand beskou word. Stellenberg streef ook daarna om 'n derde van ons inkomste na buite aan te wend. So vorder die insameling:



FINANSIËLE BYDRAES

EFT-betaling

Dit kan oorbetaal word na ABSA-tjekrekening 145 058 0011,

Kontantbydraes

Kan by die kerkkantoor inbetaal word, of in die beveiligde posbus op die kerkkantoor se stoep

SnapScan



VAKATURE KERKKANTOOR

'n Vakature vir 'n ontvangsdame bestaan. Dit is 'n 6/8-pos met kantoorure vanaf 08:00 tot 14:00. Die pos behels algemene ontvangs en kantooradministrasie. Die geskikte kandidaat moet rekenaarbe-drewe wees, goeie menseverhoudinge handhaaf en oor goeie administratiewe vaardighede beskik. Aanstellingsdatum: 1 Februarie 2022. Stuur 'n volledige CV na odette@stellenberg.co.za. Aansoeke sluit op 7 Jan. 2022.

GEMEENTE-SELFOON

Die gemeente se selfoonnommer is 081 045 2428.

Navrae kan per WhatsApp of Telegram-boodskap na dié nommer gestuur word.

ELEKTRONIESE NUUS

Ontvang elektroniese nuus soos die weeklikse bulletin en maandelikse Stellenberger asook die skakel na die aanlyn eredienste weekliks per e-pos deur jou e-posadres na sanel@stellenberg.co.za te stuur.